

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Gespräch vom Krieg

Groß, Johann Georg

Basel, 1620

Gespraech Vom Krieg

[urn:nbn:de:bsz:31-160522](https://nbn-resolving.org/urn:nbn:de:bsz:31-160522)

Gespräch Vom Krieg.

Der Frid.

W Ohin / jetzt muß es sein ein mol
Das ich fortziehn vnd wandlen sol.

Die Frommen.

Ach Gott / wer hat dem Fridn gethon/
Das er will ziehen nun davon!
Ists möglich / er jetzt wandlen wille
O Gott / gib frid / gut ruh / vnd still.

Der Krieg.

Dem ist also / Frid wandlen wurde/
An seyn statt kom ich nun hinfürt/
Ein Tausch / mit Frid / ich treffen sol/
Vey Frid der welt war nur zu wol.

Die Gottlosen.

Ach Gott / es darff noch dessen mit/
Das man erschreck also die Lüth.
Der Krieg gar weit noch von vns ist/
Zudem / sind wir gar wohl gerüst.

Der Frid.

Recht ernst ist mir / vnd ist gewiß/
Das ich einmalfürgnommen diß/
Zu wandlen nun vnd ziehen fort/
Von mancher Statt vnd andrem ort.
Wer augen hat / wirds sehen gschwind/
Das schon vil Leuth ohn Friden sind.

Der Krieg.

Wer ohren hat / wirdt hören schon/
Wae schadens ich bisher gethon/
Der Frid fürwar ist worden theur/
Ich bin wie ein verzehrend feur /

Gespräch

Das schon ein lange zeit gewärt/
Bil Land vnd Leuth verderbe auff Erd/
Nimm überhand auch täglich noch/
Ihr Menschen kind / betrachtens doch.
Ich bin gewis ein Gottes-ruth/
Die Gotts-geheiß vnd willen thut.

Die Frommen.

Wie wer ihrt z thun / O lieber Frid/
Könnst man dich jetzt erbätten mitte
Ey lieber mit dir reden laß/
Vnd gmeines gsehren zu ohren faß/
Erhör die Mutter sampt dem Kind/
Das sie nicht werden z theil dem Find/
Ihr bitt vnd groß verlangen ist/
Das Frid nit weich / zu dieser frist.

Der Frid.

Ich bin ein Edle Gottes gob
Von Gott gesandt / zu seinem lob.
Bisher bin ich / auff diser Erd/
Bey vilen gewesen gar vnwardt/
Wer hats erkennt / was Friden sey?
Ursachen hab ich mancherley/
Darumb ich nun hinscheiden sol/
Ich ward er zürnt gar offermol/
Vnd das durch groß vnd anckbarkeit/
Auch allerhand vngrechtigkeit/
Für Fridens ruh vnd herrligkeit/
Gar wenig hand Gott danck geseh/
Da man mit ernst Gott dienen solt/
Vast jeder that / was er nur wolt/
Der lestert Gott / der ander thut/
Was nur allein ihm nutz vnd gut/

Fragt

Vom Krieg.

Fragt nach seim nechsten sauber nyts/
Weil ihn gar bessen hat der gyt.
Der dritt hat darzu grosse freud/
Das er jemand thu was zu leid/
Mit lesterwort vnd böser that/
Gar mancher sich versündget hat.
Was solt ich mich dann saumen vast/
Zu schwär will werden mir der last/
Solch wesen Ich nicht dulden kan/
Zu ziehen fort muß heben an/
Vnd das vmb so vil desto mehr/
Weil mir erzeigt auch die vnehr/
Das ich bisher lang s'best gethon/
Gar offt mich zwar erbetten lon/
Wann besserung versprochen wardt/
Hab mich erzeigt mit rauch noch hart/
Vnd weil man glaubn nicht ghalten mör/
Muß ich wohl gesund fahren für/
Ganz resolviert vnd willens bin/
Im Namen Gottes zu ziehen hin.
Doch gib ich euch ein guten roht/
Villeicht ist es noch nit zu spot/
Auch mit dem Krieg redt nur ein wort/
Ich sag euch zu Ich will nit fort/
Wann Krieg sich will verfühnen lon/
Will ich nun widrumb zu euch stohn.
Ob ich schon gern das beste thu/
So laßt mir doch der Krieg kein ruh/
Könnt ihr bey ihm was richten auß/
So bleib ich gern bey euch zu hauf.

Die Frommen.

Walts Gott/ dem raht wir folgen bald/
Das vnser Red beyim Krieg anhalt:

):(3

Gespräch

O Krieg vnd Streit / O scharpffes schwärt/
 Ein jeder nun an dich begert/
 Wölst schonen recht / vnd bleiben auß/
 Den Friden laß in vnsrem hauß.
 Wie streng du seyst / ist vns bekant/
 Wend fallen gern in Gottes hand.

Der Krieg.

Wißt ihr dann wohl / wie streng ich bin/
 Vnd habe so lang verkehrten sinn?
 Drum habt ihr euch so schön bekehrt/
 Noch dem die Pestilenz auffg' hört.
 Gar mancher Kranck darauff genas/
 Bilärger jetzt / als vor er was.
 Weil ihr dann gfalln in Gottes hand/
 Vnd euch nit recht bekehren wend:
 So müßt ihr jetzt versuchen auch/
 Wie Menschen hand sey hart vnd rauch.
 Damit ihr aber nicht verzagt/
 So hört was Krieg euch weiters sagt/
 Ich mäin / es würd sehr rathsam seyn/
 Wann ihr bey dem euch stellen eyn/
 Der Fridn vnd Krieg hat in seim gwalt/
 Vnd thut des orts was ihm gefalt/
 Das ist der Herr Herrscharen groß/
 Den ihr erzürnt sehr über d'moß/
 Der Fridenfürst ist er zugleich/
 Denselben sucht im Himmelreich/
 Sein Majestet vnd gwalt ist hoch
 Was er mich heist / dem komm ich noh/
 Sagt er / Schwärt schlach vnd haw darein/
 So muß ich thun den willen sein/
 Steckt er mich widrumb in die schäid/
 Bin ich wohl zfriden allbereit.

Die

Vom Krieg.

Die Frommen.

Wohhin / der roht ist hefftig gut/
Wend fassen all ein hertz vnd mueth.
Zu dir / Sigfürst / Herz Jesu Christ/
Ickund all vnser zuflucht ist/
Wir dencken jetzt an deine wort/
Wie gschriben steht an manchem ort/
In letzter zeit das kommen werd/
Vil streit vnd krieg auff diser Erd/
Ein Vöckel dem andren zwider sehr/
Vnd sunst noch ander vnheit mehr.
O Herz / du bist der warheit Mund/
Dann solches vns jetzt worden kund.
Dir ghort die ehr / vns aber d' schmoch/
Wir handt verdient dein Göttlich roch/
Mit vnser sünd / die groß vnd schwär/
Gewiß vil übels thon bisher.
Wann wir dein gsatz recht schawen an/
So muß bekennen jederman/
Er hab er zürnt dich manigfalt/
Vnd nicht gethon was dir gefalt.
Das gemeine Vöckel ist nicht allein/
Bey vns / O Herz / ist keiner rein/
Ins griecht gang nicht mit deinem knecht/
Vor dir ist doch nicht einer grecht.
Herz Jesu Christ / O Gottes Suhn/
Laß dich von vns erbätten nun/
Straff nicht mit Krieg / ob wirs wohl wärde/
Steck widrumb eyn das zuckte schwärde/
Wir wend vns jetzt befehren all/
Doch gib vns gnad / in disem fall/
Wann vns dein Geist regiert vnd lehret/
So werden wir gar recht befehret/

Vergiß

Gespräch vom Krieg.

Vergiß / O Herz / denck nimmer dran/
Was wir bissher gefangen an.
Es ist vns leid / von herren grund/
Was gschehen biß auff diese stund.
Vns künfftig wend wir baß verstoßn/
Wie gut es sey / im friden stoßn.
Wend bsuchen mehr dein wort mit fleiß/
Vnd richten alle zu deinem preiß.
Einander wend nicht hassen mehr/
Auch plagen nit / noch schmähen sehr/
Den pracht soll abthun jederman/
Ein trawrkleid wend wir ziehen an/
Im herren wend demütig seyn/
Zu Niwe sie thatens fein.
Doch soll es sein / Herz Jesu Christ/
Vnd es bey dir so bschlossen ist/
Daß mancher durchs schwärt fallen soll/
So lassen wirs vns gfallen wohl/
Dein will ist heilig / gut / vnd greche
Erkennen wohl jetzt deine knechte/
Der Find in allweg nicht mehr kan/
Dann vnsern leib streng tasten an.
Die Seel ist wohl befohlen dir/
Vnd kompt der leib bald widrumb für/
Allein verleiß standthafftigkeit/
Ein dappfers herrs / starck mütigkeit/
Zu deinem preiß / dem Find zur lehr/
Daß er sich auch zu dir bekehr/
Wie dann gethon / der Hauptman dort/
Der deine wort am Creuz gehört/
Damit also der Find zugleich/
Mit vns eyngang ins Himmereich.

A M E N.